

萬全縣志卷一

地理志目錄

沿革

位置

境界

氣象

土地

土宜

山脈

河流

險要

名勝

古蹟志目錄

長城

萬全縣志

卷一

地理

一

故城

戰場

古廟

廢署

樓臺

古物

萬全縣志卷一

地理志

地理

地者人類之所憑藉萬物之所資生也故諸侯之寶土地列首司空所掌地利居先萬全地雖叢爾亦大地之塊土且有數千年之人文則其名稱之沿改管轄之變更位置之所在境界之廣狹氣象之變化土地之肥磽土壤之所宜山脈之縱橫河流之利害以及險要名勝皆與居民有密切關係分類而記述之俾閱者得窺一斑或有補於萬一乎此編修地理志之微意也

沿革

黃帝畫野之前萬全爲何部落夏禹分州之際是否華夏領土考徵古籍均乏確證秦置郡縣地屬上谷史冊所載亦甚簡略自東晉以迄元末其間一千餘年胡族迭據之日長中華轄治之時短迨朱明光復設萬全衛兵防民治兼重移民始漸繁集清主中華革衛道縣承平二百餘年縣域愈臻穩確民國鼎革裁府設道萬全屬口北道而縣界仍舊貫惟以察哈爾都統借治張家口屢生萬全察區轄境之爭因之萬全地位遂爲吾國人士所注重至民國十七年察區創改行省口北十縣劃歸察省萬全恰居中心且與省會同治於是定萬全爲首縣茲將歷代沿革源委分述於後

唐 冀州之域 (舊志)

清胡渭禹貢錐指云冀之北界約在陰山按此則今縣境應屬冀州

虞 分屬幽州 (舊志)

地理指掌圖云舜肇分十有二州分燕以北爲幽州

夏 仍屬冀州 (舊志)

萬全縣志

卷一

地理 沿革

三

商 屬幽州 (舊志)

周 仍屬幽州 (舊志)

考口北十縣各縣縣志其沿革篇多半述自秦漢三代以前皆缺以其無確實之記證也我縣舊志將唐虞夏商周之沿革亦爲記述本志仍之

戰國 燕地

考召公初封燕山(今薊縣)不過百里距今縣境遠甚舊志以爲春秋時燕北境惟前漢書載召公後三十六世與六國(齊楚秦韓趙魏)俱稱王併地日廣東有漁陽西有上谷代郡據此則今縣境戰國時始屬燕

秦 上谷郡地

(一)考戰國趙公子嘉自立爲代王軍上谷秦滅代置上谷郡

(二)考史記云秦既滅六國又却匈奴七百餘里分天下爲三十六郡上谷其一也

(三)查辭源上谷郡今保定易州順天河間宣化之一部皆其境

(四)按上述三種記載推度與舊志以爲係秦上谷郡地相合

前漢 幽州上谷郡廣甯二縣地

(一)水經注云漢廣甯去甯祇二十里

(二)魏土地記曰下洛城西北百三十里有大甯城又西二十里有小甯城

(三)保安州志楊氏考辨云下洛城卽今州治西北一百三十里有大甯城卽

今張家口堡又西三十里有小甯城卽今萬全縣治

(四)畿輔通志云萬全漢甯縣地也

(五)按上列四種記載證之舊志定今縣境爲漢時廣甯甯二縣地雖非毫釐無失尙未謬以千里也

東漢 初陷於匈奴永元中復置廣甯甯二縣

按建武之初世祖方平諸夏未遑外事匈奴強暴寇無虛日於是漸徙邊人居庸關東併廣陽上谷二郡爲一匈奴左部轉居塞內尋復置上谷郡所屬僅沮陽(今懷來)潘(今涿鹿東北部)二縣此外悉空而置之漢不能有也迨建武二十二年匈奴國亂烏桓(東胡別種)擊破之始北徙二十五年烏桓向化於是復置護烏桓校尉於甯城二十六年從趙熹請歸所徙吏民歷明章二帝雖

萬全縣志

卷一

地理 沿革

四

幸無事然裔夷盤亘難以郡治前漢諸縣久之未復至和帝永元中匈奴微弱烏桓鮮卑俱就戎索於是始修復邊邑復以廣甯甯下洛(今宣化東部)涿鹿離磬(今龍關南部)居庸(今延慶)爲縣仍隸上谷郡漢末烏桓鮮卑雜處內地而校尉閭柔猶持漢使節治廣甯如舊終連安之世未嘗淪棄云

晉 屬廣甯郡下洛 (舊志)

(一)按武帝太康元年分上谷郡西部地置廣甯郡以沮陽(今懷來)居庸(今延慶)二縣屬上谷以下洛涿鹿二縣屬廣甯餘爲鎮分屬是時併廣甯甯二縣於下洛稱廣甯曰大甯城甯曰小甯城 (舊志)

(二)按上述論證晉之下洛縣包括今宣化萬全兩縣地

(三)又按晉愍帝建興二年石勒(羯族)襲殺幽州刺史及元帝太興二年石勒遂佔取幽州自是斯地淪於胡族 穆帝永和中燕慕容儁(鮮卑族)破幽州斯地屬燕 秦苻堅(氏族)滅燕地又歸秦 燕慕容垂復興地仍歸燕 孝武帝太元二十一年魏拓跋珪(鮮卑族)南伐此地遂歸魏有此五胡亂華時百餘年間割裂變遷之概況也

後魏 燕州廣寧郡廣寧縣境 (舊志)

北齊 北燕州長寧郡地 (舊志)

後周 仍北燕州長寧郡地 (舊志)

隋 初裁郡屬燕州後改屬涿郡懷戎縣西境 (舊志)

按省郡爲州在開皇三年省州爲縣在大業三年 (舊志)

唐 初爲媯州媯川郡西境 (舊志)

(一)按唐地理志媯州媯川郡本隋懷戎縣地有陽門城則今縣境唐屬媯川無疑 (舊志)

(二)考唐時媯川郡係包括今懷來涿鹿宣化萬全四縣地

唐 末改爲武州文德縣地

(一)按文獻通攷云武州唐末置據此則改文德縣亦當在其時 (舊志)

(二)按宣化縣志云唐末將媯州西境分置武州領縣一曰文德

(三)考唐末文德縣係包括今宣化萬全兩縣地

五代

萬全縣志

卷一

地理 沿革

五

梁 仍爲文德縣地

後唐 仍爲文德縣地

後晉 割路契丹(契丹自是改國號曰遼)

後漢 仍屬遼

後周 仍屬遼

宋 徽宗宣和四年以前屬遼嗣後屬金至理宗九年後屬蒙古按自石敬瑭以

燕雲十六州割路契丹以後遼金元迭佔此地歷漢周宋三代迄未能復至朱

明滅元始光復

遼 西京道歸化州文德縣

金 西京路宣德州宣德宣平二縣撫州柔遠縣弘州陽門縣地

(一)按金世宗大定七年改歸化爲宣化州明年復改爲宣德州領縣二柔遠宣德史註云柔遠有得勝口舊名北望淀是也爲宣德柔遠所治之證也其後章宗明昌三年升柔遠縣爲撫州承安二年置宣平縣於大新鎮貞祐二年又升弘州陽門鎮爲縣據此則今縣境在當時實析而爲四縣管轄也

(舊志)

(二)考撫州卽今之張北縣弘州卽今之陽原縣宣德卽今宣化縣宣平卽今張家口西南二十里之宣平堡陽門卽今張家口西南七十里之陽門堡今之縣境在金佔時旣分屬四縣依方位推度大約東部屬宣德縣南部屬宣平縣西南部今(二區管轄地)屬陽門縣北部屬柔遠縣當時有無州縣圖今旣不能獲觀聊以管窺蠡測希有補於萬一

元 初爲上都路宣德府宣平縣地仁宗延祐二年改隸大都路順宗至元四年宣德府易名順寧府宣平縣名仍舊 (附註元上都卽今多倫大都卽今北平)

攷遼金元皆胡族之勃興而先後相繼侵略中華者也今縣境自石晉割棄後遼佔一百八十餘年金滅遼繼佔百餘年蒙古滅金取據此地四十四年歷晉漢周宋共三百四十年迄未收復斯土元滅宋入主中國九十年合計淪於異族四百四十年但遼金元皆以畿輔視此地故今縣境多遼金建置遺跡然則驅豺狼除荆棘開闢經營斯土遼金元不無微勞焉

萬全縣志

卷一

地理 沿革

六

明 爲宣府西路萬全右衛地

清 初仍明舊制

康熙三十二年改衛置萬全縣屬直隸省宣化府

民國 初屬直隸省口北道縣名仍舊

十七年劃歸察哈爾省仍名萬全縣民國十七年五月中國南北統一移國都於南京改北京爲北平進察熱綏寧四特別區爲行省直隸省易名河北將其口北道所屬十縣劃歸察哈爾與察哈爾原轄口外張北商都多倫沽源康保寶昌六縣共十六縣組織成察哈爾省定萬全爲首縣以萬全縣屬之張家口爲省會

位置

一縣在空間之主體其形勢亘古不變然因時代之更易政治之改革猶是地也或昔爲甌脫今成鎖鑰或前屬荒陬現列腹地焉萬全縣境之位置歷代關係若何略見沿革篇茲將目前之位置述於後

察哈爾省係從前口北道之十縣與察區口外六縣組合而成萬全縣恰居十六縣之中心而省會設此洵屬綽綽地位其位置之衝要非民元以前可比也

萬全縣全境經緯度經度極東爲東經一百一十四度五十一分極西爲一百一十四度二十一分緯度極南爲北緯四十度三十五分極北爲四十度五十六分

境界

一絲之境界因政治之變更廣袤四至代各不同萬全境域歷代分併割劃梗概已詳沿革篇茲將近年釐劃情形分述於後萬全縣治現爲張家口偏居全縣方位之極東故本志境域方向以張家口爲標準推算與舊志較多所移易

東十里東窰村與龍關縣接壤（以東高山分界）

西南五十里頭百戶村與懷安接壤（以南大王山分界）

極西南九十里水濠窪村與懷安縣接壤（以白雲山分界）

西一百零五里平虜西臺接山西天鎮縣界

極西北一百二十里鎮河臺接張北縣界

西北以虞臺嶺野狐嶺與張北縣分界

北五十里和尚莊接張北縣界（以馬頭山分界）

全縣面積約七千方里南北平均縱綫七十里東西平均橫綫一百里周圍約三百四十里

縣境東南隅與宣化懷安兩縣屬地犬牙相錯劃分難清就大體言以清水河

萬全縣志

卷一

地理 境界

八

與宣化縣東西分界以洋河與懷安南北分界然萬全縣之屬村東窰村王家寨前屯固在清水河以東而宣化屬村之高家屯閻家屯反在清水河之西懷安縣屬村之伸入洋河以北者亦有許家莊等七村故全縣地形東南插花特甚

萬全行政區現分六區縣治所在地爲張家口

第一區區治在舊治城距今縣治三十里

第二區區治在孔家莊距今縣治三十五里

第三區區治在安家堡距今縣治六十里

第四區區治在洗馬林距今縣治九十里

第五區區治在膳房堡距今縣治五十里

第六區區治在張家口

氣象

風雨寒暑因地而異卽同一地域而氣象變化歷年比較亦略有差異茲篇就萬全近年風雨氣候變化情形分叙之

風

萬全地勢爲高原大陸沙漠在北渤海在東春季及夏初多西北風颶風亦年有一二次屆芒種節則東南風較多西北風風力強速或挾飛沙易致乾旱農家畏之東南風風力和緩連日東風則輸送東海水氣聚爲雲雨焉

雨雪

地球表面依雨量之多少分爲多雨帶平雨帶少雨帶無雨帶萬全屬平雨帶每年夏至至立秋四十餘日間雨量豐富所謂大雨時行之期秋雨連綿亦不難得冬日大雪最少必有一次多則三四次以上惟春天以受沙漠大風之摧掃雨澤奇缺故自古卽有春雨貴如油之諺而萬全近六年之連年歉收實此因也

氣候

萬全縣志

卷一

地理 氣象

九

萬全位置在北緯四十度間屬北溫帶之北部時屆立冬則地凍見冰至大雪節則河無大小冰堅可履再過三月爲來年驚蟄冰始開及清明則冰雪消融盡淨而草木萌芽矣一年之間小滿至處暑九十日間宜穿單衣小雪至雨水三個月內非皮衣難禦寒伏暑最高溫度爲攝氏二十三度嚴寒最低溫度爲零下七度

土地

一縣土地之總面積包含山河沙漠荒地道路村落田園等項而一縣之貧富全視其田園之多寡沃瘠爲斷若一縣面積雖廣而山河佔其大半可耕之田少而瘠縣雖大不得謂之富萬全土地面積號稱七千方里而可耕之田不滿六千頃幾全爲山河蟠踞其貧瘠可知也茲分述於後

山 多縣亘錯峙於縣境北部面積約佔三千五百方里

河 洋河橫貫縣境南部面積約佔五百方里

沙河 洋河南北兩岸縱流之各沙河與溝澗合計約佔面積八百方里

沙灘 在洋河南岸大南山北麓面積約佔一百方里

道路 各種道路合計約佔面積五百方里

城堡村落 合計面積約佔三百方里

荒地 約有五十方里

田園 約佔面積一千餘方里

其他 約佔面積二百方里

萬全縣志

卷一

地理 土地

一〇一

全縣面積七千方里

土宜

地勢有原隰衍沃之別壤性有肥瘠燥潤之分植物生長或宜水浸或宜壤疏古
人所謂地利有宜者也茲略述於後

萬全地勢北高南低水性就下故縣境南部水利較饒而稻麻皆出自南部焉
萬全可耕之田約計五千餘頃旱地約四千頃淤地約一千頃水地約四百頃沙
地約一百頃沙地多在縣境西北洋河南岸壤性最薄祇宜種小黍白豆等旱地
壤性肥瘠不等普通旱地祇宜種穀黍綠豆之類較好旱地亦可種高粱淤地以
清水河東沙河新河西沙河等沙河兩岸之地爲優土壤略肥生產量較厚宜種
高粱水地分稻田園圃河地三種縣境南部楊家屯梁太莊泉水匯瀦土性潤濕
故多稻田園圃以安家堡一帶爲最多分活水園井水園兩種宜培植麻麥及各
種蔬菜河地大半在洋河北岸張綏鐵路南如灌溉不失時播種高粱收穫最豐

山脈

亞洲山脈皆發端於帕米爾高原其走入我國者有四大幹（一）喜馬拉雅山
聳峙藏邊（二）阿爾泰山盤紆外蒙（三）天山橫列新疆（四）崑崙山脈
由帕米爾向東南走其支脈敷布於中國內部及滿州故地理學家以崑崙爲中
國羣山之祖

崑崙山敷布支脈於本部及滿洲其狀況有二（一）其脈南折於川滇青藏之
間成南北縱谷是爲橫斷山脈（二）其脈東走於本部及滿洲者有四大支成
東西橫谷爲大水分界（一）陰山脈（二）北嶺脈（三）南嶺脈（四）勾漏
山脈

陰山幹脈西起青海北界經青套綏察熱等地甘吉奉黑魯五省合其曲折計其
長度約七千餘里主幹既長分支亦多最大支脈約分三區（一）山西支脈（
二）熱察支脈（三）奉吉支脈

熱察支脈又分五支（一）馬尼圖山脈（二）霧靈山脈（三）七老圖山脈
（四）努魯兒虎山脈（五）松嶺山脈

萬全縣志

卷一

地理 山脈

一一一

馬尼圖嶺橫峙於張獨二口之北亦屬陰山分支其脈又向南分三小支一支欄
入古北口一支蜿蜒南行而夾峙爲居庸關一支西行至張家口西北結爲翠屏
山

盤踞萬全縣境之各山概括言之爲馬尼圖山脈分段言之仍有數十種名稱述
於後

翠屏山 在舊治城北三里距張家口三十三里

西高山 又稱西太平山在張家口堡北四里山麓有朝陽洞

東高山 又稱東太平山亦名魚兒山在張家口堡東北五里山腰有沙石一條
雨後狀若游魚

賜兒山 在張家口堡西三里又稱雲泉山登其峰俯瞰張垣一覽無餘而張家
口第一名勝之雲泉寺亦在此山腰焉

水泉山 在張家口堡北四里（舊志）

紅崖山 在張家口來遠堡東北十里（舊志）

磨盤山 又名草塚山舊志謂之大王山在張家口西十五里石莊屯武家莊等

村附近

八角臺山 在張家口西南六里礦產有火石

南炭山 在舊治城東南二十里一名隆頭遼承天后納涼於此 (舊志)

北炭山 在張家口西北四十里舊治城西北十里黃家堡東礦產有臭炭 (舊志以此山爲遼景宗納涼之所)

小尖山 在舊治城東北六里 (舊志)

大尖山 在張家口西北六十里舊治城西北三十里山嶺特立而極高

龜山 又名八里坪山在張家口西北三十五里舊治城西北五里山勢縱橫綜錯狀類鋸齒山中有紫巖寺西端接北炭山

鶴山 舊治城西南七里縱行吳家莊沙家莊等村堡西

馬鞍山 舊治城西十里 (舊志)

馬頭山 張家口西北五十里

西馬頭山 張家口西北九十二里洗馬林堡西北二里

桃山 張家口西北六十里新河口堡東北三里

萬全縣志

卷一

地理 山嶺

一三一

鷄冠山 張家口西北六十里新開口北

鷓鴣山 張家口西北六十里新開口北

鴉崖山 張家口西北七十里新河口北

東孤山 張家口西北一百二十里洗馬林堡北四十里陡峻特立由是得名

西孤山 張家口西北一百一十里洗馬林堡西北三十里

北高山 張家口西北一百一十里洗馬林堡西三十里邊牆倚其西麓

洋河南岸萬全懷安分界之大南山分段定名其名有六

(一)白雲山 在張家口西南九十里水濠窪西南

(二)平頂山 在張家口西南八十里第六屯南十里

(三)尖石嶺 在張家口西南七十里第三屯東南十里

(四)小孤山 在張家口西南六十五里第三屯東南十里

(五)馬鞍山 在張家口西南七十五里第三屯南

(六)周德威山 又名大王山相傳五代時周德威曾紮營於此山麓故名在

張家口西南五十五里第四屯南七里

野狐嶺 在張家口西北六十里膳房堡北

虞臺嶺 在張家口西北六十里新河口東北十二里

蕁麻嶺 在張家口西九十里洗馬林堡西北

寨兒嶺 在張家口西一百里洗馬林堡西南八里四山環合如寨

萬全縣志

卷一

地理 山脈

一四

河流

研究中國地理者按各大川源流系統定全國河流分爲三十六幹沽河卽三十
六幹之一也

沽河爲陰山南側渤海西岸之大水其源流有五（一）白河（二）永定河

（三）大清河（四）滹沱河（五）南運河

永定河卽桑乾河其支流有九（一）馬跑河（二）渾河（三）武州水御河

（四）壺流河（五）洋河（六）瀉河（七）清水河（八）金門閘引河（

九）鳳河

洋河爲永定河支流之一係合東洋河西洋河南洋河而成而以東洋河爲上源

東洋河上源曰昭哈河源出察哈爾昭哈嶺之東東南流有七七哈那河自東

北來會河復南流入長城至懷安縣西北境與西洋河合

西洋河源出山西長城外流經天鎮縣北端至柴溝堡東與東洋河合再東南

流至岸莊屯西南有南洋河自西南來會南洋河源出山西陽高縣北長城外

南流入邊城經陽高縣城北而東有白登河自大同縣東境東北流入陽高縣

萬全縣志

卷一

地理 河流

一五

境來會河復東流經天鎮縣城北復東北穿平綏路鐵軌入懷安縣西界再東

北流與東西洋河合三洋河會爲一瀆遂統名之曰洋河

洋河自昭哈嶺發源流經興和張北懷安萬全宣化五縣至宣化東境朱官屯村

注入桑乾河長約二百八十里

洋河橫貫萬全縣境南部西起富農窰西北東迄下營屯東南長約八十里縣境

縱流各沙河皆注入之兩岸距離最寬處七里最狹處四里

陽門堡第六屯以西當三洋河合流之衝歷年大雨時行期間水勢汹涌浩蕩大

有排山推陵之概故北岸之富農窰岸莊屯等村南岸之忻家屯第十屯第九屯

等村非特旱田被衝沒爲河灘動以數十頃計而屯堡廬舍亦多淪陷如第十屯

居民悉南遷山谷中可證明洋河從前侵逼之烈也

洋河之水多恃山洪故大雨連綿則河水長期汪洋年值亢旱則涸爲沙灘毫無

舟楫魚鹽之利而歷年驚蟄至清明消冰期間一月立冬至大雪河凍期間一月

河冰均屬不堅反爲交通滯礙若遇夏秋雨潦連日怒濤駭浪南北兩岸輒致數

日或數十日斷絕往來

近年地方人士利用洋河之水開渠以救旱災果能從洋河上游多鑿灌田溝渠以分水勢而沃農田則水害減而水利增誠征服利用自然之良猷也

洋河北岸較大沙河有七皆南流注洋河茲由西向東述之

(一) 鎮河 亦名水關河舊志曰西沙河源出鎮河臺附近羣山及東西孤山流經洗馬林城西舊堡三里莊堡東穿京綏鐵軌至岸莊屯堡西注洋河長約七十里洗馬林舊堡之水地皆賴此河灌溉

(二) 新河 亦名古城河源出鷄冠山鴉崖山南麓流經新河口永安堡站石溝古城樑等村至高廟堡西南分爲東西兩支要經何家屯老鴉河至龔南窰東南注洋河東支經舊羊屯村東至水莊屯東南注洋河長約八十里永安堡站石溝等村得此河之水利

(三) 龍池屯沙河 發源於馬連灘附近流經腰站堡蔣家樑於家樑龍池屯至梁太莊東南注洋河長約五十餘里

(四) 安家堡沙河 發源於李虎莊東北山谷中流經賈賢莊李受莊穿京綏鐵軌分東西兩支注洋河長約三十五里

萬全縣志

卷一

地理 河流

一六

(五) 西沙河 又名城沙河其上源有二一出於虞臺嶺一出於野狐嶺至黃家堡北會流經舊治城西四里轉東南流經盆兒窰蔡家莊暖店堡西紅廟馬家房李家房至義興堡東南注洋河長約七十五里此河春冬乏冰水夏秋洪水甚好故下游淤地生植力頗厚

(六) 東沙河 發源於野狐嶺東麓流經膳房堡聚敵堡舊治城東至太師莊西南會西沙河注洋長約六十餘里此河上游清流潺潺舊治城附近田園實利賴之下游淤地生植力亦厚多賴此河歷年洪水淤墊之功也

(七) 清水河 俗稱通橋河水經注曰寧川水源出獨石口西馬尼圖嶺西南太平莊之東北向西南流至張家口北約百四十里有正溝西溝二水合而自西北來會再南流通過漢卿橋清河橋京綏鐵路橋經宣化屬村高廟子老鴉莊等村注入洋河窮源竟委長約一百九十里此河源遠流長清水不缺洪水尤佳故張家口以南懷宣兩屬人民多在兩岸開渠引水以致渠道櫛比田園肥沃自古鮮遭荒旱咸賴此河之水澤也

洋河南岸沙河有五皆北流注洋河茲由西向東述之

(一)南忻屯沙河

(二)第十屯沙河

(三)第九屯沙河

(四)第六屯沙河

(五)第三屯沙河

以上五河自發源之山谷至洋河長度均不逾十里春冬皆無冰水夏秋大雨雖有山洪而灌田甚少委因地勢南高北低引用極難故水利甚微